



Forum Romanum Scripts

Script: Aedes Apollinis

Salutatio

Favonius: Salvete, omnes! Mihi nomen est Marcus Favonius et hoc est Forum Romanum!
Quid novi est hodie? Brevi tempore videbimus. At primum, ecce Quaestio Hodierna!

Quaestio Hodierna

Lector: Quaestio hodierna est de Apolline et rebus futuris praedicandis:
Quis Cassandreae credit? Responsum dabitur ad finem Fori Romani.

QVID NOVI?

Favonius: Et nunc videamus quid novi sit. Hodie, ante diem septimum Idus Octobres,
Caesar Octavianus templum Apollini in monte Palatino consecravit. Apollo multis a gentibus deus solis
veneratus est. Etiam est Apollo deus pulchritudinis et artis musicae, quam ob rem saepe hic est depictus lyram
tenens.

Iulia: Ut fabula narratur, Apollo saepe in monte Parnasso habitat cum novem Musis, qua de causa Apollo,
sicut Musae, maxime veneratus est a poetis.

Favonius: Usque ad nostram aetatem optimi poetae coronati sunt sertis laureis nam laurus est arbor Apollinis.

Iulia: Laurus est arbor Apollinis quod Apollo Daphnen amavit, sed Daphne non eum. Fugiens ab Apolline,
Daphne laurus facta est. Ergo Apollo dixit laurum semper arborem sibi futuram esse.

Favonius: Etiam erat Apollo non beneficiarius in re Cassandreae, nonne?

Iulia: Verum est. Apollo, ut deus vaticinationis, dedit Cassandreae facultatem rerum futurarum
praedicandarum. Sed, quia Cassandra non eum amavit, Apollo effecit ut nemo Cassandreae crederet.

Favonius: Femina miserabilis erat Cassandra. Poterat res futuras videre, sed nemo ei credidit. At nunc, quia
loquimur de rebus futuris, opportunum est introducere personam notandam, Sibyllam Cumaeam!

ET ALIA (Interview with Cumaean Sibyl)

Iulia: Mecum est Sibylla Cumaea, cuius patronus est deus Apollo ipse. Ave atque salve, Sibylla!

Sibyl: Salve, Iulia.

Iulia: Quaeso, Sibylla, dic nobis pauca de Apolline et de rebus futuris praedicandis.

Sibyl: Libenter. Sic ut Cassandram, Apollo olim me amavit.

Iulia: Amasne tu Apollinem?

Sibyl: Re vera, non multum. Difficile est deum amare. Di autem sunt immortales, ergo non senescunt tamquam nos mortales.

Iulia: Nonne tu immortalis es?

Sibyl: Immo. Non sum immortalis, modo grandissima natu. Sunt mihi multi anni.

Iulia: Nunc memini. Apollo tibi donavit tot annos vitae quot grana arenae potuisti manu tenere.

Sibyl: Sic est. Ergo plurimi anni nunc sunt mihi, sed ut plane vides, non sum tam iuvenis ut quondam. Mihi est vita longissima, sed iuventus non perpetua.

Iulia: Me miseret tui. At tamen, loquamur de aliis rebus. Nonne tu res futuras praedicare potes?

Sibyl: Immo etiam. Ego non possum, deus potest. Apollo per me praedicat.

Iulia: Per te?! Ridiculose!

Sibyl: Damnant quod non intellegunt!

Iulia: Me paenitet, Sibylla. Explica rem mihi, quaeso.

Sibyl: Temptabo. Mihi non est potestas; potestas est Apollini. Ego modo sum instrumentum vocale. Intellegisne?

Iulia: Teneo quid dicas. Quaeso, virgo, narra tu nobis quomodo Apollo per te dicere possit.

Sibyl: Licet. Ego magna in caverna sedeo, exspectans deum ac lauri folia manducans.

Iulia: Laurine folia?

Sibyl: Sic. Brevi tempore omnes sensus mihi abstracti sunt. Deinde ... deus, ecce deus! Totum per corpus mihi est rabies fera!

Iulia: Mirandum!

Sibyl: Nunc Apollo possidet corpus mihi ac verba ab ore mihi fluunt — quidem non mea verba sed verba Apollinis!

Iulia: Qualia verba?

Sibyl: Non tam certa sum. Ut mihi videtur, *Graece* dico atque versus poeticos facio. Etiam aenigma est.

Iulia: Mirabile auditu! Haec magni interest, virgo, sed nil temporis relictum est nobis. Multas gratias, Sibylla. Cura ut valeas.

Tempestas Hodierna

Favonius: Tempus est audire de tempestate. Quam ob rem, hic est Aulus Serenus!

Serenus: Gratias tibi ago, Favoni. Videamus quaenam sit tempestas hodie. Circum Romam, sol splendide lucet. Gratias Apollini agimus! Caelum per reliquam Italiam est nubilum, praesertim apud Cumas, ubi habitat Sibylla. Ventosum est autem in Graecia, praesertim hic (points) ubi sunt Delphi, sedes notissimi oraculi Apollinis. Nubilum est circum Mare Aegaeum, sed sol splendide lucet super hanc insulam, Delos nomine. Delos, ut fabula narratur, est insula in qua Apollo et gemina soror Diana nati sunt. Qua re, Apollo saepe vocatus est "Delius." Tandem, pluit in Asia, ubi est Troia, urbs miserabilis Cassandrae. Iam satis est. Aulus Serenus sum atque spero caela sint vobis valde serena!

Responsum Quaestioni

Favonius: Multas gratias, Serene. Et nunc, ecce responsum quaestioni hodiernae.

Lector: Quaestio hodierna erat ut sequitur:
Quis Cassandrae credidit.

Responsum est hoc: Nemo.

Dictum Hodiernum

Favonius: Nunc tempus est videre nostrum Dictum Hodiernum!

Lector: Hoc est dictum hodiernum: Damnant quod non intellegunt.

Valedictio

Forum Romanum
Show #3: Aedes Apollinis

Favonius: Verba notanda.

Ut repetamus nuntios principales: Caesar Octavianus hodie templum Apollinis in Monte Palatino consecravit. Totum est ad hanc editionem Fori Romani. Gratias summas agimus et di vobis faveant. Valet omnes!

© 1996 by John Donohue